



Universitätsbibliothek Paderborn

Instructio practica ...

Institutiones Theologiæ Mysticæ, Seu Facilem & practicum modum
Exercitia Spiritualia S.P. Ignatii Loyolæ per octiduum faciendi - item
triduanam recollectionem fructosè instituendi complectens, Et
Sacerdotibus Præcipuè, aut de Sacerdotali Statu suscipiendo
deliberantibus accomodata, Una cum ...

Lohner, Tobias

Dilingæ, 1680

Consideratio de actionibus quotidianis in genere rectè obeundis.

[urn:nbn:de:hbz:466:1-48834](https://nbn-resolving.org/urn:nbn:de:hbz:466:1-48834)

Conclusiones.

I. Ergo, monente D. Chrysostomo in cap. 7. ad Rom.

Peccamus modica mala, magna siquidem ab illis nascuntur.
Quis enim ad quodvis delictum dicere consuevit: Nihil
illud damni erit: paulatim omnia perdet. Istud quippe ma-
lissimum induxit, istud Latroni portas aperuit, istud civitatis
mores deiecit. Hoc & in corporibus magni morbi contra-
hantur, quando Medici contemnuntur.

II. Ergo ista levia, qua diximus, noli contemnere: se
 contemnis, quando appendis; expavesce, quando numeras.
Levia multa faciunt unum grande. Multa gutta replent
flumen; multa grana faciunt massam. S. August. in Epist.
 Joann.

III. Ergo, quando parvam animi perturbationem susce-
 peris, ne eam neglexeris, quod parva sit, sed considera, quan-
 tamala pariat. Nam si in domo parum aliquid stupra accen-
 sam viderimus, conturbamur, & tumultum movemus; non
 enim attendimus initium, sed ex initio finem considerantes
 movemur, & concurrimus, ut totum Caminum extingua-
 mus. Hoc igne vehementius exedit animam peccatum. S.
 Chrys. in Ps. 6. Legatur ex Thom. Kemp. l. 1. c. 22. maxi-
 me §. 6.

CONSIDERATIO PRO II. DIE.

DE ACTIONIBVS QUOTIDIANIS IN GE-
NERE RECTE OBEVNDIS.

Punctum I.

Ut rectè cognoscas, quid ad Actiones has perfectè obeun-
 das requiratur, imaginare tibi vitam tuam Horologio simi-
 lem esse, atque adeò sicut ad Horologium, ut bene ambulet,
 horæque indicet, tres partes requiruntur, ita idem quoque
 de vita & actionibus tuis quotidianis esse sentiendum.

Et primò quidem sicut ad Horologium requiritur, ut ex-
 terius Circulum & in eo Horas certo ordine non temerè, sed
 juxta Solis cursum designatas habeat, & per Indicem demon-
 stre; ita ad vitam rectè instituendam requiritur, ut quivis
 Ordinem sibi diurnum constituat, in eoque, quid quâvis horâ

T 4

aut

aut tempore agendum sit, designatum habeat, in hoc autem Ordine constituendo non tam quid proprius Amor dicatur, quam quid Sol Justitiæ seu divina Voluntas requiratur, sed ut attendat. Unde sicut varia sunt Horologia, quæ diversis modis designatas horas habent, ita Ordines quoque diversi & rationes vivendi ob diversos Status & Occupationes diversi sunt, nec unus facile omnibus accommodari potest. Quæ hinc exurgit prima Conditiō ad Actiones nostras quotidianas requisita, ut scilicet semper faciamus, *qua DEO placeant*, seu *qua DEVS Sult*, ut verè cum Christo dicere possimus: *qua placita sunt ei, facio semper*. Joan. 8.

Secundò. Sicut ad rectum Horologij cursum requiruntur ut & rotulæ internæ majores & minores, & alia Instrumenta ipsæ conjuncta suum Officium perfectè faciant; ita Actiones nostras requiruntur, ut omnes nostras tam internas Potentias, puta Memoriam, Intellectum, & Voluntatem, quàm Externas, videlicet Visum, Auditum, Gustum, Tactum, & Manuum, Pedes &c. legitimè ad quamvis actionem perficiendam adhibeamus, sicque eam juxta Leges & Modum nobis à DEO, vel Superioribus, vel propria Devotione prescriptum cum omni diligentia peragamus; sic enim prædictam Conditionem implebimus, & omnia, *quo modo DEO placeant*, seu *quomodo DEVS Sult*, faciemus, & cum Verbo de nobis dici poterit illud Gen. 1. *Vidit cuncta, quæ fecerant, & erant valde bona*.

Tertiò. Sicut ut dicta Instrumenta Horologij officium suum rectè & ordinatè peragant, geminum pondus, ad utrumque trahantur, requiruntur; ita ut tantò alacrius & exactius actiones quotidianæ obeantur, geminum pondus duplicis actionis, Amoris scilicet erga DEVM & Proximum adhibendum est, quorum alterum, quò magis descendit, id est, magis Amor Proximi ad obsequia Proximo exhibenda committit, tantò altius alterum pondus Amoris divini ascendit. Hoc geminum pondus S. Augustinus nobis indicavit, cum dixit: Amor meus pondus meum: hoc feror quocunque robor. Atque hinc tertia exurgit actionum quotidianarum conditiō, ut semper faciamus, eas, quia *DEO placeant*, seu *DEVS Sult*, sicque impleamus præceptum diligendi ex corde per ultimam hanc conditionem; *totà animà &c.*

secundam; & totâ fortitudine per primam; quæ omnia nonnemo sequenti disticho complexus est.

*Omne tulit punctum, patitur qui semper, agitque,
Quæ vult, Quove modo vult Deus, & quia vult.*

Punctum II.

Ut autem tantò accuratiùs hic ordo & conditiones obser-
vantur, valde proderit insignes fructus, qui ex illius accura-
ta observatione oriuntur, bene ponderare, qui quidem tri-
plices sunt, videlicet I. Ut omnes actiones nostræ bene ac
perfecte fiant, sicque vera hujus vitæ perfectio obtineatur,
cum juxta Ascetas summa hominis perfectio sit, *actiones suas
quotidianas & ordinarias perfecte obire.* I I. Ut
meritorie peragantur, qui fructus tantò pluris æ-
stimandus est, quantò præstantior est merces gratiæ & glo-
riæ, quæ per singula opera sic patrata obtinetur; & quantò
purescunt, qui omnia sua opera dicto modo meritoria
efficere student. III. Ut quiete & jucundè transigantur;
tum quia passionibus & curæ inordinatæ ut sic animum non
adipiunt & perturbant, cum sciat, quid quovis tempore a-
gendum sit; tum quia spes beneplaciti divini & præmij æ-
terni obtinendi omnem actionis difficultatem & molestiam
nullit.

Punctum III.

Quemadmodum autem ut horologium in legitimo suo
cursu conservetur, certæ quædam industriæ observandæ
sunt; ita idem in actionibus quotidianis rectè perficiendis
fieri oportet.

Et I. Quidem sicut horologium diligenter clauditur, ne
pulvis aut humor extrinsecus rotulas aliâque instrumenta
interiora inficiat, & à cursu impediat; ita accurata sensuum
tam exteriorum, quàm interiorum custodia adhibenda est,
illudque Salomonis prov. c. 4. sæpe memoriâ volvendum:
Omni custodia serva cor tuum, quoniam ex ipso vita proce-
dit.

II. Sicut rotulæ aliâque instrumenta, ut cursum suum re-
ctius & faciliùs peragant, oleo sæpius unguntur; ita poten-
tiæ quoque, præsertim internæ, intellectus & voluntas, o-

leo accuratæ meditationis diligenter suo tempore inungenda, & ad novum fervorem excitanda sunt.

III. Sicut director Horologii frequenter, imò quoties semel iterumque visitat horologium, & pondera quidem attrahit, reliquas verò partes, num ritè se habeant, examinat, & si quæ violatæ sunt, mox reficit, aut refici curat; ita ad ordinem diurnum ritè observandum nihil perinde conducit frequens examen & recollectionum usus, per quæ, quæ emendatione opus habeat, studiosè inquiritur, & quod vitium deprehenditur, in suo statu conservatur, aut amplius perficitur. Præcipuè verò gemina pondera duplicis charitatis attrahuntur, id est, ad actus novo fervore eliciendos impenduntur. Vide ergo, quomodo hæc omnia hæcenus observaveris, & observare deinceps velis.

MEDITATIO III.

pro secunda die.

DE VERA POENITENTIA ET CONVERSIONE SACERDOTIS.

Scopus.

Sincera Vitæ Emendatio.

Punctum I.

Considera I. Quàm pulchrum tibi sinceræ conversionis exemplar Deus in primo Sacerdote S. Petro reliquit, quod te in cuius lapsu & conversione clarè cognosci potest, quod quid ad perfectam vitæ emendationem requiritur. Quorum primum est *estimatio peccati*, quæ quantò major fuerit, tantò major quoque contritio & abominatio sequetur.

Considera ergo II. Unde Petrus magnitudinem sui peccati æstimavit, scilicet ex Magistri sui bonitate, quâ illum in carat ad Apostolatam & Principem Apostolorum ac Sacerdotum constituerat: quâ illum tam fideliter hæcenus constitruerat, & omnium arcanarum suarum actionum socium assumpserat: quâ illum tam apertè de suo casu præmonstravit: quâ pro ipso orabat, ne deficeret fides ejus: quâ deus que ipsum respexit, & ad poenitentiam invitavit; hæc enim